

НОВАБРТЬ

17-це шистонза 1940 кизоня  
127 (1779) №

ПИТНЕЦ 5 тр.



# Комсомолонь ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ЛИСЕНДИ

8-це КИЗОСЬ

Адресь: г. Саранск,  
Советская ул., Дом печати.

## Комсомольский организационный важнейшей задачасна

Мордовский республикаты территория пажеви фкя ремесленной и фкя железнодорожной училища. Нят училищатненъ эса заятитне ушедыхть декабрь 1-це шистонза. Следовательно, призывной комиссиятненъ лангс путневи почетной и ответственной задача: —нюрхкяня срокста и цебарьста йотафтомс теист призывть, штоба нюрхкяня пингста призвать 700 од ломань. И стама од ломатть, конат прокс достойнайхть улемс тонафникс нят училищатненъ эса.

Ремесленной, железнодорожной училищав и ФЗО школав призывть Мордовиянь од ломаттне васьфтезь кода касыкс поколениять колга сталинский заботань. Тянь колга красноречивайста корхтай ся фактс, што 700 вастти максф 3737 заявления. Саранск ошста эриви призвать 32 ломань, а заявленияда—500 лама.

Минь республикасонк ремесленной и железнодорожной училищатненди призывсь ушетф ноябрь 13-це шистонза. Призывонь васенце шись васьфтьф оцю радостьса и радостнай ликованияса. Сембе райоттненъ эзга сон шарфтьф подлинна праздничнай шикс. Юношатне, а ламоц родительснот мархта, праздничнайста шафта мольсть уютнайста оборудовандаф призывной помещениятненди. Тоса улихть газетат, журналхт, патефон и стактов.

Республикаты сембе районзон эзда пачфнихть кулят, што призывсь йотай оцю патриотический чувства мархта. Призывной комиссиятне исключительна четка и организованна йотафнесазь эсь работаснон, мезть вельде лама районга, кода Краснослободская, С.-Шайговаса, Zubovo-Поляна, Ковылкина, Торбееваса и лама лия районга призывсь ни аделаф. Марнек республикаты эзга призывонь васенце шине призванай 520 юноша, коватненъ йоткста железнодорожной училищав—266 и ремесленной училищав—144 ломань.

Комсомольский организационный инголе ащи огромная задача —лездомс призывной комиссиятненди успешнайста йотафтомс призывть. Большевикокс лездомок призывной комиссиятненди, комсомолецненди аф эриви юкснемс и училищатненъ тонафнема кизоти анокламаснон колга. Вдь аф прокс нинге минь республикасонк училищатне анокт учащайнъ примамати. Саровса, кода пачфнесь ни „Комсомолонь вайгаль“ газетась, училищась нинге аф прокс обеспечендаф оборудованияса, учащайхне-общекитияса. Саровский машиностроительнай заводонь руководителхне беспрекословна пашкодъсазъ тянь колга правительствать постановленияз.

Оцю работа предстоит тиесм велень комсомольцненди подросткатненъ училищав пражамаснон пингста. Эриви тяникиге ваномс, кода колхозне аноклайхть пражамс призванайхненъ училищав. Важна ся, штоба сембе призванайхне уелельхть обеспечендаф сембоса, мезе эриви необходима теист училищав модемс.

## ПРИЗЫВЪСЬ РЕМЕСЛЕННОЙ И ЖЕЛЕЗНОДОРОЖНОЙ УЧИЛИЩАТНЕНДИ

Ноябрь 13-це шистонза республикаса ушедысь ремесленной и железнодорожной училищатненди призывсь. Сембе вастова тя шись ульсь шарфтьф подлинна радостнай праздничонь шикс.

### УЛЯН СЛЕСАРЬКС

Ноябрь 14-це шистонза—монь 15 кизонь эряфсон омбоце радостнай шись. Васенцесь ульсь нилешка кизода инголе, мзярда примамазь монь юнай пионеркс. Нинге йомластакиге мон пяхкельгине трудть. Мон арьсень сянь колга, кода баарамс квалифицированный рабочайкс.

И вов, лиссь трудовой резерватненъ колга СССР-нь Верховнай Советъ Указонц, а тянь мельге ремесленной, железнодорожной училищатненди и ФЗО школатненди призывть колга правительствать

постановленияз. Синь колгаст, мон содань школаса. И, самок куду, азондыне эсь мяльненъ родительненди, што оцю желаниязе модемс тонафнема ремесленной училищав. Тядязе и алязе шназь монь мяльненъ. Синь аныцек кизефнемазъ, а кодама специальность туф тонь мялзот. Мон теист отвечань, што йоран улемс слесарькс.

Вов, ноябрь 17-це шистонза призывной комиссиясь кучемань мовь ремесленной училищав. Митрофанов.

### Оцю честь

Мон тонафнян Саранск ошень 12-це школань 6-це класса. Кодак содаине Трудовой резерватненъ колга СССР-нь Верховнай Советъ Президиумонц Указонц, эстакиге оцю желаниязе мархта максонь заявления, штоба прималемазъ монь ремесленной школав.

Ноябрь 14-це шистонза монень призывной комиссиясь пяхкельгине и радостнайста. Улень увереннай сянди, што монь примасамазъ, иба минь социалистический странасонк, Сталинский Конституция шивалдонц ала, сембе цебарь мяльхне, конат аф явошневихть общекитиясь интересонзон эзда, пашкоткшневихть и успех мархта йотафневихть эряфс.

Мон азан оцю спасиба минь правительстваньконди и коммунистический партияти, конат отечески заботайхть касыкс поколениять колга, лездыхть тейнза сембе ширде.

Тя заботать и вниманять каршес отетонди карман тонафнема аныцек цебарьста и отличнайста.

Юрий Очев.

### УЛЯН ПАРОВОЗОНЬ ВОДИТЕЛЬКС

Комсь фкие киза топодсь, кода ни монь алязе работай Рузаевкань железнодорожной узелса машинистокс. Сон петьма кельксы эсь тевонц.

— „Машинистонь тевсь—почетнай тев,—корхнесь сон тейне,—вовсяда кеподят, Рузаевкав ФЗУ-ти тонафнема кучте“.

Вов сон тяниенге мархтон сашендсь призывной комиссияти, штоба зняльдемс сонь членонзонды, примамс монь железнодорожной училищав.

Разумеется, алязень валонза, ашеть аерткшне монь прастов вестенге. Келькса паровозть, йоран улемс машинистокс!—азыне комиссиясь эсь мяльненъ. Комиссиясь монь примамань железнодорожной училищав. Конашка честсь! Кафта кизода меле озан сталинский паровозти и улян машинистонь помощникос, карман вятнема мощнай паровост.

Минеев.



Н. И. Поповъ звенац (Мордовский Государственной Селекционной станция) тя кизоня получась рекорданай урожай, эрь гектарста 30,5 центнер розъ и 27 центнер озимой тозер.

СНИМКАСА: Н. И. Поповъ (виде шире) и звенань членъ Борнегасва кочкайхть сортовой видьмот.

Фотось Ивеминь.

СССР-нь Совнаркомъ Председателенц и Иностраннай Тевонь Народнай Комиссаръ В. М. Молотов ялгать телеграммац Германиянь рейхсканцлерти г. Гитлerti

СССР-нь Народнай Комиссаронь Советъ Председателец и Иностраннай Тевонь Народнай Комиссаръ В. М. Молотов ялгась кучсь советско-германский границаста г. Гитлerti тяфтама содержанияса телеграмма:

„Германиянь рейхсканцлерти господин Гитлerti

Малкия Берлин Кадомок Германиять пределонзон, прошу Тонь господин рейхсканцлер, примак монь благодарностезень радушной приемонкса, кона тиф тейне Германияса.

Молотов.

Ноябрь 14-це шистонза 1940-це кизоня“

СССР-нь Совнаркомъ Председателенц и Иностраннай Тевонь Народнай Комиссаръ В. М. Молотов ялгать телеграммац Германиянь иностраннай тевонь министрти г. фон Риббентропти

СССР-нь Народнай Комиссаронь Советъ Председателец и Иностраннай Тевонь Народнай Комиссаръ В. М. Молотов ялгась советско-германский границаста кучсь Германиянь иностраннай тевонь министрти г. фон Риббентропти тяфтама содержанияса телеграмма:

„Иностраннай тевонь рейхсминистрти, Его Превосходительствати господин фон Риббентропти

Малкия Берлин Благоволите примамс, господин рейхсминистр, монь искренней благодарностезень широкай и теплай примаманкса, кона тиф тейне и монь спутниконенди Германияса улемань памятной шитненъ пингста.

Молотов.

Ноябрь 14-це шистонза 1940-це кизоня“

СССР-нь Совнаркомъ Председателенц и Иностраннай Тевонь Народнай Комиссаръ В. М. Молотов ялгать Москву самац

Тя кизонь ноябрь 15-це шистонза 12 частса веть сась Берлинцта Москву СССР-нь Народнай Комиссаронь Советъ Председателец и Иностраннай Тевонь Народнай Комиссаръ В. М. Молотов ялгась эсь сопровождающей ялганзон мархта.

Малкия пограничной станцияти модемс пражазь германский правительствань представительхне.

Москву поездть сама пингонцты В. М. Молотов ялгать васьфтема Белорусский вокзалти лиссь СССР-нь СНК-ть председателенц заместителенца А. И. Микоян, Л. М. Каганович, Н. А. Булганин, Н. А. Вознесенский, А. Я. Вышинский ялгатне, Народнай Комиссархне С. К. Тимошенко, Н. Г. Кузнецов ялгатне и илят.

Вокзалсь ульсь наряжаф флагса, В. М. Молотов ялгать васьфтеманц ингса ульсь арафтьф почетнай караул.



## Комсомолса марксизмать—ленинизмать пропаганданц сяда товолдонь цебяргофтоманц инкса

Ноябрь 14-це шистонза топодсь кафта кизот ВКП(б)-нь ЦК-ть постановленинцть пропагандать колга, конац пути оцю задача комсомолть инголивон.

Активть революционной теорияса вооружения и идейно-политический воспитания—комсомолть работаса фкя инь главной задаче. Мордовиянь комсомольский организациясь „ВКП(б)-ть историянц Краткой курсонц“ партийнай пропагандать постановканц колга ВКП(б)-нь ЦК-ть и ВЛКСМ-нь ЦК-ть постановленинцон светс лисемаснон мархта тись аф ёлма работа руководящай комсомольский активть и советский од интеллигенциять идейно-теоретический уровеньон касфтомаса.

Пцтай 13 тьожянь комсомолец и 5 тьожянда лама советский од интеллигент минь Мордовиясон оцю успех мархта самостоятельна тонафнесазь марксизмать—ленинизмать основаснон, ламоц ви аделазь Краткой курсть тонафнеманц средняй звенае коря и работайхть марксизмать—ленинизмать первоисточникнень лангса.

ВЛКСМ-нь райкомонь секретарьне (Лосев—Инсарский район, Офтин—Рыбковский район, Кондратьев—З.-Полянский район и лама илят), аделамок средняй звенае коря Краткой курсть тонафнеманц, упорнайста работайхть первоисточникнень лангса. Комсомолецнень йоткса систематически лувондохть лекцият, йотафнихть консультации, товарищеский собеседованият и стак тов.

Горский школань преподавательсь (Б.-Игнатовский район), комсомолецсь Пятицев ялгась эрь шиня работай эсь теоретический уровеньон касфтоманц лангса. Работамок марксизмать—ленинизмать классикнень первоисточникснон лангса, цебярста усвоендазень В. И. Ленинонь „Что такое „друзья народа“ и как они воюют против социал-демократов“, „Что делать“, „Шаг вперед, два шага назад“ трудонзон, ленинизмать основанзон колга Сталинон трудонзон и лама лия произведений. Вольвовский школань преподавательсь (Ардатовский район) Егоров ялгась, Бикбаев ялгась (Кадошкинский район) и лама илят оцю желанияса кярмодсть большевизмать тонафнеманцты, упорна касфнесазь эсь идейно-политический уровеньон.

ВЛКСМ-нь лама райкомт—Саранскийнь, Лямбирскийнь, З.-Полянскийнь, Рузаевка ошень горкомсь, цебяргофтозь пропагандать комсомолецнень йоткса. Саранскийнь районца 1.200 комсомолецнень эзда тьожянда ламось фатяфт политический учебаса, Лямбирский районца—800 комсомолец. Руководящай комсомольский активсь нят райоттнень эса интересовандай пропагандать мархта, максси лезкс первичнай комсомольский организациятненьди комсомолецнень и аф союзнай од ломаттнень йоткса пропагандистский работать цебяргофтомаса.

ВЛКСМ-нь Саранский райкомть видеса пропагандань и агитациянь работать коряс комиссиянь председателсь Ерофеев ялгась вятсь Монастырский велеса политграмотань кружокть, коса лувондови 15 комсомолец. Занятиятне йотнихть регулярнайста и интереснайста. Занятиятнень эса использовандакш-

неви нагляднай материалсь: диаграмматне, картатне, плакатне. Аф кальдявста аноклакшихть занятиятненьди слушательхне. Сонць, Ерофеев ялгась аделазь Краткой курсть тонафнеманц средняй звенае коря. Регулярнайста работайхть ВКП(б)-ть историянц и политграмотать тонафнемаса кружокне З.-Полянский районца и лама лия районга.

Тякажа пингова эряви азомс, што республикаса лама районга комсомолецнень йоткса пропагандась ладяф нинге йомла уровеньон. ВЛКСМ-нь Ширингушский, Ардатовский райкомонь секретарьхне аф возглавляндакшнесазь комсомольский активть йоткса марксизмать—ленинизмать пропаганданц и занимаандакшихть тя работаса случайста-случайс. ВЛКСМ-нь Ст.-Шайговский райкомть секретарец Дуденков ялгась и сонь заместителец Солдаткина ялгась 1940-це кизонь майста сявомок нльне кядезост ашезь сявонде Краткой курсть.

Йотай отчетно-выборнай собраниятнень и районнай конференциятнень эса комсомолецне справедливайста критиковандазь комсомольский организациянь руководителхвень, конат аф сатомшкаста занимадасть од ломаттнень йоткса тонафнемань кизефкснень колга. Комсомолецне наметили конкретнай кизефкст теоретический и общеобразовательнай тонафнемань коряс работать цебяргофтоманц колга. Однако, Саранск ошень койконат комсомольский организациятне, кода: общепитонь, Драмтеатрань, Сартэцень и лиятне комсомолецнень йоткса пропагандать цебяргофтомаса мезевок ашест тие. ВЛКСМ-нь горкомть пропагандать и агитациять коряс комиссият работати кода эряви нинге изь кярмодь. Комиссиянь четтне и пропагандистский иля активсь работати апок таргакт.

Райоттнень ламошкаснон эса пропагандань и агитациянь коряс руководителкс кемокстафт энергичнай, комсомольский способнай од активистт, конатнень ули оцю мяльсна од ломаттнень йоткса марксизмать—ленинизмать пропагандать вятеманцты. Эряви оцюста интересовандамс нят комиссиятнень работаснон мархта, макссемс теист деловой, практической лезкс комиссиятненьди способнай, грамотнай членонь кочкамаса, работань планонь сьормадомаса, пропагандистский кадратнень правильнойста распределенияса, систематически проверякшнемс синь работаснон.

Йотай отчетно-выборнай собраниятне, районнай и городской комсомольский конференциятне вешть комсомолецнень йоткса пропагандать решительнайста цебяргофтоманц, пропагандать и агитациять коряс постояннай комиссиятнень работаснон ВЛКСМ-нь

ЦК-ть XI-це пленумонц решениянзон коряс ладямаснон.

Комиссияти основной задаче ащи пропагандать колга ВКП(б)-нь ЦК-ть и ВЛКСМ-нь ЦК-ть постановленинцон эряфс йотафтомасна.

Комиссиятне должетт макссемс эрь шинь лезкс комсомольский активти марксизмать—ленинизмать основатнень тонафнемаса. Йотафнемс синь йоткост лекцият, консультации, теоретический собеседованият и стак тов. Тиевдемс общественнай мненият невеждатнень каршес, конат аф йорайхть кепсемс эсь теоретический уровеньон и аф пшкотькшнесазь ВЛКСМ-нь уставть, коса сьорматф, што ВЛКСМ-нь членць обяван тонафнемс Марксонь—Энгельсонь—Ленинонь—Сталинон трудснон и азондомс марксистско—ленинский—учениять од ломанень кели массатненьди.

Эряви цебяргофтомс политграмотать коряс существующай кружокнень работаснон и пуроптомс синь эздост сьира, мзира эряви, штоба фатямс политобразованияса сембе комсомолецнень, конат немогут самостоятельна работамс эсь идейно-политический уровеньон кеподеманц лангса. Нят кружокнень эса тяфтажа эрявихть тонафнемс и общеобразовательнай дисциплинатка, кода рузонь кильть, математикать, географиять, таргамок тя работати учительствать.

ВЛКСМ-нь райкомтне и горкомтне должетт лездомс школань комсомолецненьди исторический наукань тонафнемаса. Учащайхнеди необходима тиедемс лекцият и докладт исторический темас, организовандамс беседат большевистский партиять героический историянц и сонь выдающай деятелензон колга. Шарфтомс оцю мяль учительхнень и иля интеллигентнень идейно-политический уровеньон кеподеманц лангс, макссенок теист тя тевса всемернай практический лезкс.

ВЛКСМ-нь райкомтнень и горкомтнень видеса пропагандать, агитациять и культмассовой работать коряс комиссиятне должетт прививать од ломаттненьди кельгома художественнай литературати. Сатомс сян, штоба комсомолецне фалу лувондохть русский литературань классикнень и советский писательхнень произведенияснон. Тяса оцю лезкс должетт максомс клупне, избачитальнятне и краснай уголокне, коса эряви регулярна тиедемс башка художественнай произведениянь громкай читкат и разборхт.

Мордовиянь комсомольский организациясь, вооружандамок эсь прянц революционной теорияса, саты од успехт работань сембе участкатнень эса.

Я. САЗАНОВ,  
пропагандать коряс ВЛКСМ-нь обкомть секретарец.

## ЛЕКЦИЯ

Нят шитнень эзда Паева велеса „ВКП(б)-ть историянц Краткой курсонц“ самостоятельна тонафниензонды партиянь Кадошкинский райкомть пропагандистонц Куриин ялгась Краткой курсть III-це главнц коряс моратф лекция.

Слушательхне лекциять кулх-

цондозь огромный вниманияса. Темать аделамда меле синь лекторти макссесь лама кизефкст.

Лекциясь йотась пяк активнайста.

Н. Лобанов.

Кадошкинский р-н.

## Од ломаттнень школав прважамасна

Странать крупной промышленнай централонды лама областста и республикаста улихть прважафт ФЗО-нь школав, ремесленной и железнодорожной училищав 76 тьожянда лама од ломань.

Ноябрь 15-це шистонза Новосибирскийста прважаф 1000 ломань, Дальний Востоку тухть тага кафта поезтт. (ТАСС).

## ТАСС-ть сообщения

„Нью-Йорк Уорлд телеграмм“ газетась печатлазе газетнай трессть иностраннай отделонц редакторонц Скриппс Говард—Симмсть сообщениянц, кона утверждает будтоба Москуса японский посолсь Такекавась тись предложения Советский Союзи „сембонь или Британский Индиять цяльксонц максоманц колга, кда Советский Союзсь сувай 3 державань коалицияс“, а тяфта жа тись предложения „Японияти Восточнай Сибирть максоманц колга“.

ТАСС-сь уполномоченнай азомс, што тя сообщениясь ащи нелепайкс и йофикс аф соответствовандай действительности.

## Англо-германский войнась

Юнайтед пресс американский агентствать корреспондентонц валонзон коряс, ноябрь 15-це шинц карша веть германский самолетне невиданнай тя пингс лувксса эвондасть Англиять центральной районзон велькс.

Германский информационный бюрось пачфни, што берлинский авторитетнай крукне оцениваот тя налетть, кода инь оцюовонь воздушнай войнать историяса. Ковентриць лангс нападенияса (английский авиационнай промышленность центрац), примась участия 500 лама самолет, конатнень эзда кажнайсь йордась тьожянь килограмма фугаснай бомба. Тяда башка, ульсь йордаф 30 тьожянь килограмма зажигательнай бомба. Сынь поразиндазь Ковентриць кода крупной, а тяфта и мелкай предприятиянзонга. Тиевсь огромный пожар, конань валдоц няевсь 200 километрас.

Английский предварительнай сведениятнень коряс, Ковентриса лувондови 1 тьожянь ломанень жертва.

Сякажа веть эзда германский военно-воздушнай вийхне эсь атакаснон мольфтезь Лондонть и Южнай Англияса военной объектнень каршес.

Английский авиациянь министрствась пачфни, што ноябрь 15-це шинь карша веть английский береговой оборонань самолетне тисть налет Германиять мархта оккупированнай 26 аэродром и Ставангерста (Норвегия) сявомок Лорианги (Франция) модемс портнень лангс. Оцю взрывонь вийнь бомбат ульсь йордафт берлинский вокзалхнень лангс, тяка лувксса Ангальтский вокзалть, конац ащи ошт центраса и Темпельгоф аэродромть лангс.

Ноябрь 15-це шистонза шовдава германский дальнебойнай орудиятне ляцендезь Ла-Маншть английский побережьянц, английский батареитне тьянь каршес отвечать толса. Артиллерийский дуэльсь мольсь кафта частт. (ТАСС).

Ответ. редакторсь И. ЧУДАЙКИН.